

《教觀綱宗》補充講表

◎附表十：藏教教義

○觀行即者：上既聞名解義，今當依解起行，行必從觀，故曰：觀行。觀有淺深，行有前後，故有五停、別相、總相之不同也。心行理外，未見偏真法性，身是有漏，故云：外凡。欲越三有，此為資糧，故云：資糧位。

○相似即者，內凡加行位也：上來停心破障，四念處惟觀苦諦。至此進觀四諦，以伏煩惱。依稀彷彿，見真諦理，故曰：相似。集註云：漸見法性，心遊理內，身居有漏，聖道未生，故曰：內凡。以定資慧，加功用行，故名加行位也。

○煖：以念處觀，加修四正勤，緣四諦境，能發似解，伏煩惱惑，如鑽燧先煙。

○頂：從煖進修四如意足，似解轉增，得四如意定。十六諦觀，轉更分明，在煖之上，如登山頂，觀矚四方，悉皆明了，故名頂法。

○忍：似解轉增，煩惱倍伏，四真諦忍可於心，故名為忍。

※《教觀綱宗釋義》云：「煖、頂、忍、世第一。由四念處，發四正勤。斷二惡，脩二善。

勤觀四諦，能發似解。猶如鑽火，先得煖相，故名為煖。由修四如意足，發生禪定，諦觀轉明。如登山頂，洞覽四方，故名為頂。由定慧均平，善法增進，能成信等五根。安住不動，故名為忍。由五根增長成立，能破五障，而階見道。於諸世間有漏位中，最為勝妙，故名為世第一。以此有漏聞思修慧為增上緣，資助本具無漏種子，令發現行，而入見道。」

*內凡四位：煖位——四正勤，頂位——四如意足，忍位——五根，世第一——五力。

*自五停心至世第一，名七賢位。亦即七方便位也（外凡三位與內凡四位）。

○八忍八智：

※《教觀綱宗釋義》云：「忍即無漏禪定，智即無漏觀慧也。無間道中，三昧斷惑，名之為忍，乃即慧之定。解脫道中，觀慧證理，名之為智，乃即定之慧。」

○灰身泯智：小乘以身為大患，以智為勞形，故灰其身，滅其智，以取解脫。（輔宏記）